



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Viator Christianvs Recta Ac Regia in coelum Via tendens**

Soliloquium Animae. Vallis Liliorum. De Tribus Tabernaculis. Gemitus & suspiria animæ pœnitentis, seu de Vera Compunctione Cordis. Cohortatio ad Spiritualem profectum

**Thomas <von Kempen>**

**Coloniae Agrippinae, 1682**

XXII. De magnis meritis patientiæ pro Christo.

[urn:nbn:de:hbz:466:1-53320](https://nbn-resolving.org/urn:nbn:de:hbz:466:1-53320)



Nihil boni mihi attribuo, sed quicquid egi & docui, hoc totum ei principaliter ascribo, qui me vocavit per gratiam suam ad fidem, quam prædico & servo usque ad mortem.

Nam sola gratia Dei sum, id quod sum, & gratia eius in me vacua non fuit, sed semper in me manet & manebit, donec perveniam ad eum, qui me pretioso sanguine suo redemit & salvavit.

1. Cor. 158

CAP. XXII. De magnis meritis patientiæ pro Christo.

**I**n patientia vestra possidebitis animas vestras. Luce 21.

Quando ergo aliquis dure tibi loquitur, aut te injuste increpat, non statim irascaris, nec dure respondeas, sed tace, aut humiliter loquere, & sustine patienter, sicut fecit Jesus.

Nam accusatus à multis tacuit, & flagellatus non murmuravit.

Aut si opus est loqui & profiteri, tunc responde benigne & doce prudenter, sicut Christus dura a-lapa percussus, respondit servo

Provocatus quacumque injuria, aut sile, aut dissimula: Aut mansuete responde, Exemplo Christi.

Rr

Poa



Pontificis verbis rectis & mansuetis. Sic enim alios magis ædificas, & teipsum à confusione liberas.

In omni eventu rerum & contradictione linguarum pravarum, tene patientiam, & tace pie ad objecta.

Vel ta-  
centis ad  
contume-  
lias, vel  
modeste  
diluentis.

Lucæ 23.

2. Attende profectum animæ tuæ in omnibus, quam magni meriti sit patientiæ virtus, quæ ornat animam virtutibus, & ducit ad palmam cum Martyribus.

Hinc Christus docuit, & factis in passione demonstravit. Cùm enim accusaretur à principibus sacerdotum & senioribus populi, nihil respondit.

Matt. 21. Implevit opere, quod dixit sermone: *Discite à me, quia mitis sum & humilis corde, & invenietis requiem animabus vestris.*

Non invenitur alicubi requies vera & pax secura, nisi in solo Deo, in vera humilitate, & benigna patientia, in qua vincuntur omnia adversa.

Sic veram  
invenies  
requiem.

Sit ergo in Deo tota spes tua, non in aliqua creatura, parva vel  
mag-



magna; quia sine Deo omnia vana, & cum Deo omnia bona.

CAP. XXIII. *De bonis moribus  
humilis Monachi.*

**F**uge dilecte mi, fuge.

Quare? Propter multa pericula mundi, quæ sæpè homini contingunt, qui in seculo conversatur.

Nam qui Deo vacare appetit, libenter solus est & orat, studet & scribit; & sic per multa bona exercitia à vitiorum periculis custoditur; & tempus suum fructuose expendit, & alios ædificat.

Qui autem libenter foris ambulat, & hinc inde fabulari desiderat; raro est, quin cor suum maculet, & inde votior ad cellam pacis amicam redeat.

Sermo pius & modestus cunctis acceptus, durus, & inconsideratus offendit amicos.

Qui verax est, vera loquitur; & qui fictis verbis alium decipit, oditur.

Verus humilis de bonis operibus laudes non querit, sed om-

*Cant. 8.*

Fuge turbam:

vt effugas cordis turbationes;

Quam parit confabulatio.

Si loquendum, sit sermo pius, verax, humilis.